



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Congregatio publica.

urn:nbn:de:hbz:466:1-10502

quartæ & quintæ synodi auctoritate apostolica comprobarentur. Cuius quidem prudens consilium, & itineris suscepti causas, vt ipsa a me petit, pro ea quæ mihi tanquam antiquiori Episcopo suffraganeo ex praescripto Tridentini Concilij attributa est, potestate, non solum omnes ut iustas & legitimas approbo, immo pro totius prouincie ecclesiarum, & suæ Metropolitanæ bono, eas necessarias existimo; ob idque sibi tamdiu abesse licere, vt ea negotia, quorum causa iter suscepisti peracta, & decreta Synodi recognita fuerint.

His literis lectis, Illustriss. Metropolitanus a Reuerendis. Patribus requisiuit, vt munus cognoscendi super huiusmodi facultate absentiaz suæ suscipere vellent. Verum Reuerendiss. Patres ex communione voto hoc negotium totum Reuerendiss. Episcopo Cremonensi commiserunt.

Mox Cancellarius de mandato Illustrissimi Metropolitani ex praescripta formula vocavit Procuratores Episcoporum absentium.

Qui per R.D. Archidiaconum preente Magistro Cæremoniarium ad Illustriss. Metropolitanum introducti, concordes & consentientes omnes nomine principalium suorum petierunt certum terminum sibi statui ad exhibendas & allegandas causas absentiaz Reuerendissimorum Dominorum suorum Principaliū ab eorum Dicecibus.

Quibus auditis Illustrissimus Meropolitanus ita decrevit.

Decretum certi temporis, intra quod Reuerendiss. Episcopi causas & facultates absentiez exhibeant.

Nos Carolus &c. Omnibus & singulis Reuerendissimis huius prouinciae Coepiscopis, qui ab ecclesijs suis singularis annis ultra tres menses etiam interrumpunt absuerunt & absunt, assignamus terminum quatuor mensium, ad allegandum causas absentiez ab eorum ecclesijs, ultra trimestre etiam interruptu, & exhibendum facultates scripto exaratas, & concessas a Sanctiss. D.N. seu a nobis, aut nobis absentibus a Reueren-

dissimo Episcopo Dertonenſi antiquiore suffraganeo; quo termino elapsa agetur ad praescriptum Concilij Tridentini.

Deinde vocati sunt Procuratores capitulorum.

Tum Testes Synodales, qui pro sui officijs ratione ea referrent, quæ sui essent munera.

Vocatione demum ex ordine tabellæ absoluta, Reuer. Promotores petierunt Congregationem proximè sequentera differri.

Congregatio priuata.

Feria ij. die xxij. praesentis mensis Maij Congregatio priuata est habita, & in hac circa finem interfuerunt omnes superiores Regularium: inter quos aderant admodum Reuerend. Patres Generales, Fratrum Minorum de observatione, & Franciscanorum conuentualium, qui visitationis gratia Mediolani hoc tempore commorabantur. Illustriss. Metrop. & Reuerendiss. Patres de executione decretorum Provincialium & edictorum, praesertim quæ ad observationem dierum festorum, & modum religiosè & pie in Ecclesijs versandi pertinent, & eorum quæ pro bono regimine Monialium hactenus constituta sunt, & singulariter egerunt pro remedio efficaci & absoluto adhibendo, vt in omnibus Ecclesijs, etiam regularium, mulieres ad praescriptum velatae sint. Ut laici omnino arcentur a choro. Ut instrumentorum musicorum usus in Ecclesijs perpetuò interdictus sit, vt etiam alias cum ipsis regularium superioribus in Congregatione conclusum fuit. Omnes polliciti sunt pro sua virili effectu, vt decreta & edicta predicta in suis Ecclesijs seruentur: verum Illustriss. Metrop. ipsis minatus est de efficaciori etiam remedio a Sanctiss. D. N. implorando, si negligentes erunt.

Congregatio publica.

Die xxij. hora xxij. Habita est de re Congregatio publica, quæ ultima fuit.

Inter

Inter alia Reuerendiss. Episc. Cremonen. ad cognoscendum super causis absentiae Illustriss. Metrop. deputatus, in hanc sententiam retulit.

Relatio Reuerend. Cremonensis Pro absentia Illustriss. Metropolitani.

Ego Nicolaus Episc. Cremonensis in Hoc vj. Concilio deputatus ad iudicandum de facultate absentiae Illustriss. Metrop. concessa, refero, me causas absentiae præf. Illustriss. & Reuerendiss. Do mini Metrop. a Reuerendiss. Episcopo Derthonensi antiquiori Prou inciæ Episco. comprobatas, diligenter & mature considerasse, & illas iustas, & legitimas, ac notoriæ veras ab hac vj. Synodo iudicandas esse.

Quibus auditis Reuerendiss. Patres ita decreuerunt.

Decretum pro Illustriss. Metropolitano super præfata absentia.

Avidita Reuer. Promotorum instan- tia, nec non diligenter cognitis & perspectis absentiae Illustriss. & Reuerendiss. Metrop. causis, & considerata ab sentia facultate scripto data a Reuerendiss. D. Episc. Derthonen. antiquiore hu- ius Prouincie suffraganeo, Reuerendiss. Patres facultatem prædictam & absentiae causas legitimas esse vnanimi consensu decreuerunt & iudicarunt.

Quoniam non fuit instituti nostri Congregationes omnes, quæ habite sūt, hoc loco describere, hæc ut infra de illarū ratione admonere voluimus.

Toto hoc Synodali tempore, præterquam festiis diebus, habite sunt Congregationes Reuerendissimorum Episcoporum coram Illustr. Cardinali Metropolitano; priuatae quidem quotidie, mane & vesperi; in quibus semotis omnibus inter se se agebant Episcopi. Congregationes vero publicæ ter in hebdomada habebantur, feria scilicet vj. fer. ij. & fer. iiiij. ante diem sessionis: in quibus initio liberum erat cuique ingredi, & quæ voluisset proponere, & præsentibus cunctis, vocabantur ordine ab Archidiacono, ex forma iam supradicta, si

qui aliquid proponere vellent.

Postea dimissis omnibus, præter procuratores Episcoporum absentium, Procuratores Capitulorum, & Testes Synodales, ac etiam vicarios Episcoporum præsentium, & si qui alij ex gratia admettebantur, agebatur de negotijs conciliaribus, & publicè proponebatur, quæ inter Patres in priuatis Congregationi bus fuerant examinata.

In Congregatione vero fer. iiiij. diem sessionalem præcedentis, legebantur omnia decreta in priuatis & publicis Congreg. iam proposita, quæ in sessione sequenti erant promulganda.

Singulis diebus, quibus Congreg. habebantur, mane & vesperi habebatur lectio per duos Theologos; mane de disciplina Ecclesiastica, vesperi vero super psalmos: quibus lectionibus familiæ Episcoporum, & alij qui voluissent, intererant.

Eodem tempore, præter Congregationes priuatas Episcoporum, habebantur etiam Congregationes Theologorum, vel Canonistarum, vel de ritibus, & aliæ de quibus supra, super ijs punctis, quæ ei Congregationi examinanda a Patribus vel a Metropolitano remittebantur.

Sessio tertia & ultima.

In Nomine Domini. Anno a Nativitate eiusdem Millesimo quingentesimo octuagesimo secundo feria iiiij. vige simu tertio mensis Maij, Indictione decima, Pontificatus Sanctiss. D.N.D. Gregorij diuina prouidentia Papæ XIII. anno vndecimo.

Illustriss. & Reuerendiss. in Christo Pater D. D. Carolus Sanctæ Romanæ Ecclesiæ Presbyter Cardinalis tituli Sæctæ Praxedis, Dei & Apostolicæ sedis gratia Archiepiscopus Sanctæ Ecclesiæ Mediolanensis, celebraturus tertiam & ultimam sessionem, Deo bene iuuante, huius Concilij vj. Provincialis, pro hoc præsenti die in superiori secunda sessione legitime indictam, hodie horæ decima tabellis publicè propositis pariter indicta & significata, ex ædibus Archiepiscopalibus discedens, ad Basilicam

L. 2. Me.